

# EPISTOLA

P. EMMANUELIS

VAN OUTERS

E SOCIETATE JESU

*S. Litterarum interpretis*

A D

D. JOANNEM FRANCISCUM

## DE LADERSOUS

PHILOSOPHIÆ PROFESSOREM

## LOVANI



*Doctissime Domine atque olim Carissime ,  
& nunc non invise.*

**P** Rælegit mihi hodie scriptum tuum quidam è discipulis. Vix cæperat , mox subibat animum illud Ciceroni aliquoties facètè usurpatum , *quoniam semel capi esse impudens , ero graviter.* Ipsà inscriptionis insolentiâ non modicè commovebar , in qua Philosophiæ Professor , nondum Sacris initiatus Ordinibus , emeritum Theologum , Religiosum , Sacerdotem in ipsa fronte , ut pueris elementariis omnibus in notitiâ veniat , *Calumniatorem* appellas. Certè modestia P. Bolck alios te mores docere debuisset. Nulla tui in ipsa inscriptione mentio : aversâ tantum paginâ compares , nihil in reliquo scripto duri , nihil inurbani. *Tu non nisi iustificatim feris urbanatim nesciens* , ut cum veteri illo loquar. Quanta ad hæc atque illa præsertim quæ in Disputatione peracta sunt me subierit admiratio vix possum verbis exponere. Ei qui Primum referebat , fidem non habui. Meus , aiebam , Franciscus coram in os honorato Viro in tam celebri confesso contumeliam , calumniosè tam impudenter ut refers , impingat ? Non credo , non nosti Virum : alium quemdam pro eo acceperis. Non cadit in morès ejusmodi flagitium. Novi ejus ingenium , novi indolem. Neque prius ab hac mea mente destiti , quam unus atque alter accederet , isque qui eodem tecum tempore Mechliniæ Litteris operam dederat. Hujus meæ nimis credulitatis nunc tandem pœnas do , quod mirum etiam tibi. Collegarum sales ferre possum , qui laudes in te aggestas , facètè jam regerunt , & addunt ; *nunc cum illo tuo* , at quod tu mihi insultes , prorsus indignum atque intolerandum est. Totum meum crimen est laudasse te , id tu ipse nescio an laudum impatiens ulcisceris more inter homines inusitato. Negavi Te de Jansenismo debere esse suspectum : Collegis meis narravi atque Patri Bolck Te famosum Arnaldicum effugium de Quæstione Facti habere in causa Jansenii pro frigida & inani cavillatione : Te Jansenii Librum & doctrinam tam legitime damnatam censere. Quàm legitime approbatam habes doctrinam S. Aug. de Gratia contra Pelagium , quæ si negas à Te mihi dicta , nega pariter Te umquam mecum familiariter congressum. Hisce adjeci & illud de formulari , propter quod calumniæ postulor. Nunc te iudice , *cum Te laudavi tum sum mentitus : ob unum hoc , Hac & major erat debita pœna mihi* , ut noto Scaligeri versu abutar. Ut autem conficias me calumniatum esse hoc telo uteris egregie Philosophæ & Rhetor insignis ? P. Bolck , P. Maes , P. de Hornes Sodales ejus , quem accuso calumniati sunt , ergo & ipse calumniatus est. Argumentum simile an tu umquam vel inter Rhetoricos colores reperisti ? Certè illo dilutior esse non

non potest : & tamen adhibes primo loco. Aliud tuum hoc loco flagitium est , quod ex actu unico habitum colligas , simile huic , ac si ex eo quod tres quatuorve ejusdem Seminarii Alumnos sic vidisses madidos , ut nec pes , nec ratio officium faceret , concluderes & alios sic madere , atque adeo totum istud Theologorum Seminarium esse ebrioforum. Rursus non mediocriter peccas tu qui in Principe contentionis tuæ causa nullum testem habes , quam non tantum factionis tuæ socium,verum etiam ut vocas Confratrem , & Bruxellensem Parochum , cujus spiritus novæ reformationis plenus Bruxellensibus satis notus est. Ita arcem prodis , dum septa defendis : sic enim primum erit colligere D. Laderfous convictus est de mendacio & calumnia non una; ergo & Confrater ejus, sive contubernalis , & Pastor Bruxellensis ejusdem factionis socii de calumnia debent esse suspecti , vel de mendacio in dicendo testimonio. Verum leviora hæc mittamus.

Da veniam doctissime Magister nostin quid significet latinè calumnia, atque adeo quid loquaris & scribas? Nonius Latinis probatus auctor ait esse *malitiosam & mendacem infamationem* , alii *vexationem alicujus in libris per fraudem & frustrationem* , aut *rei alicujus malitiosam interpretationem* ex qua notione liquet quoque quid significet verbum *calumniari*. Indubiè scivisse , & scire te dices , & me fortè Magistro te didicisse : nam si ignorasse te respondeas , & cum mendacio confudisse, vix credet aliquis , & similis responsio Latinæ Grammatices Studiofo , vel puero non mediocri natium discrimine statet apud non Orbillos. Certè ego non ferocissimus impune non tulissem. Statuo igitur scivisse te , & non unius calumniæ sole meridiano clarius te convinco. Ordior à P. Bolck , cui præcipuè inensus es , nescio quo ejus merito, hoc scio ejus commendationem non parum contulisse apud Illustrium. Virum ad obtinendas Litteras commendatitias, quibus Spartam philosophicam affectus es , qua nunc tantoperè insolescis : hunc tu Virum calumniæ postulas , quod Abbati Diligenti narraverit autore me non abhorreere te à formula jurisjurandi , quam Belgii Episcopi exigunt in causa Janfenii. Expende nunc supradictas Romanas calumniæ definitiones , & vide sis fodes aliquid simile exsculpas. Si Nonij arripias , *malitiosam habes & mendacem infamationem* : jam in narratione Patris Bolck quid quæso est *malitiosi* ? quid *mendax* saltem respectu ejus ? Quid denique *infamans* ? ad secundam igitur & uberiozem descriptionem confugies , sed neque hic quidquam erit subsidii , neque enim *vexavit te in lite* occipiendo vocem hanc quantumvis latè P. Bolck *per fraudem & frustrationem* , aut *rei alicujus malitiosam interpretationem*. Quidquid de te dixit honorificum est, & apud omnes indubitatè orthodoxos per quam laudabilie. Restat igitur , ut tu calumniatus sis illum calumniari. Nam calumniæ reum ,

A

Virum

Virum innocentem proclamare , & ut talem scripto publico traducere indubiè actio est malitiosa , & mendax infamatio.

Jam ad Patrem Maes , quem ex eadem fidelia eodem nigerrimo colore aspergis ; quâ quæso in re ille calumniatus est ? Negavit primò , ut ais ( de rei veritate viderit Pater Maes, ego tantisper credo ) formulam Antistitum Romano ullo decreto esse antiquatam. Applica , si potes , calumniæ definitiones huic dicto , quod evidens est esse verissimum , nam negotium istud Romæ etiamnum agitari , neque hæcenus terminatum ultimis Romanis Litteris accepi , pluresque alii Litteras idem testantes accepere. Nihil igitur in dicto *mendax, malitosum* nihil ; quænam enim hic umbra malitiæ ? nihil *infamans* ; quid restet vides mi Franciscæ , nempe rursus te Viro innocenti calumniæ notam temerè illevisse.

Alterum est , in quo criminari Patrem Maes, nempe constanter illum affirmasse , Belgii Episcopos propositi tenaces stare , & juramentum adhuc ab initiandis exigere , cui ejus dicto applica rursus , si potes , notio- nem calumniæ & Vir eris ; si non potes ; agnosce flagitium tuum.

Tertium est , quod idem Pater Viros quosdam Eximios contraria su- pradictis de formulæ fortuna testantes ut impostores &c. explosit. Hic & ego P. Maes habeo pro calumniatore , si probaveris mentitum esse , nam hoc ejus dictum verè esset *malitiosa & mendax infamatio* : interim donec id præstes , patere , ut te pro calumniatore habeam.

Gradum inde sternis ad P. de Hornes , cui pariter non verèris sædum calumniæ crimen allinere. Vix hoc loco stylo temperare possum. Tu nudiustertius ex umbra in lucem protractus id ausis in Virum è Principe Belgii Nobilitate , tu , inquam , tu in eum , qui relicto Amplissimo Sacerdotio , sive Canonicatu Colonienfi Bonorum ac dignitatum spe præcisâ , quas velut certas pollicebantur præstans ingenium , indoles Viro Principe digna , mores optimi , amor scientiarum , studiorum patientia , corporis vigor ac robur , aptissimaque ac solidissima confirmatio , adeo ut tam nobili animo dignius habitaculum natura formare vix posset, Societati Jesu se mancipavit , ac Christi obsequiis totum devovit , tu talem Virum sub virtutis vexillo jam canum maledicto tam atroci vulnere sustines ? Quod si parentis ejus pueris honorariis , aut servo etiam à pedibus simile conuicium impegisses , quam malè mulctatus , & fuste egregie dedolatus abisses , nam solet ejusmodi convicii apud hos sustuarium mercès esse. Non est , quod quidquam timeas à P. de Hornes ; Vir est minimè vindictæ appetens & laceratus jam plusies Christo donavit hominum petulantium injurias.

At si Excellentissimo Comiti Egmontio , aut Illustrissimis Principibus Hornano , sive Bassignio , & Tassio , sive de la Tour , ejus aut Ne- potibus , aut ei sanguine proximè junctis ea nobilissimæ Familiæ in ejus illu-

illuſtri membro inuſta nota innotuerit, quid te maneat, nolo augurari. Principibus Viris rarò impunè illuditur.

Jam videamus, quid cauſæ ſit cur Viro adeò præſtanti dicam tam inſimem ſcribas, in publica ſcilicet diſputatione teſtatus eſt Antverpienſem Antiſtitem ultimâ S. Ordinum collatione juramentum ab initiandis exegiffe. Hæc criminis ſumma: non eſt opus, curſus te mittam ad calumniæ notionem, vides ipſe, ſi quid vides, te hic ut ſupra turpiſſimè lapſum. At mendacium eſſe contendes, & quidem malitioſum. Verum contendunt alii eſſe ipſiſſimam veritatem. Eriam hodie Vir fide digniſſimus, qui multis jam annis Antverpiæ Theologiam docuit, & multam habet in Antiſtitis Aula conſuetudinem teſtatur juramentum à diſcipulis ſuis exactum. Quidquid de re ſit, de qua facilè conſtare poteſt, illud certum eſt P. de Hornes minimè calumniatum eſſe, imò au mentitus ſit, quod de tali Viro ſuſpicari neſas probus quiſque dixerit, ſolus Deus novit, qui mentium arcana ſcrutatur, etiamſi dictum ejus falſum foret.

De me opus non video, ut loquar, nam mendacium, quod adſcribere mihi pro tua urbanitate dignaris, officioſum eſſe agnoſcis; nihil igitur in eo quod calumniam ſapiat, in quo non niſi laudes tuæ, ſaltem quæ apud bonos habentur laudes, occurrunt. Cæterum toto hoc mihi loco comicos ſervos æmulari viſus es, qui, cum toti ſint ex fraudibus, & mendaciis conſuti, obvium quemque fraudis & mendacii acceſſunt, & tantum non rapiunt in juſ. Venio nunc ad alterum tuum argumentum capitale, quo calumniam in me retorques, ut pueriliter gloriaris. Summa ejus in juſiſjurandi oblatione conſiſtit. Næ tu conſcientiam habes miſericordè delicatam nū Franciſcæ ubi de juramento agitur à Pontificibus Romanis præſcripto, ab Eccleſia Gallicana ad extirpandam hæreſim veluti neceſſario remedio uturpato, quod Sorbona, quod omnes Galliæ Academiæ adhibent ad exploranda ſuorum Alumnorum ingenia, quod Epiſcopi Belgii prudenti conſilio, dubio hoc & periculoſo tempore ab initiandis exigunt, quorum præcepto doctiſſimæ ac Nobiliſſimæ è Religioſis familiis ſuos parere jubent, ſeu potius ſuadent aut ſinunt (imò Religioſi parent ultrò gaudenteſque ſperantes hac viâ hæreſeos exitium) quod Sapientiſſimi DD: Academiæ Lovanienſis, quorum Orthodoxia nemini ſuſpecta eſt quales ſunt, Ampl. Vicarius Sylvæducenſis, Exim. D. Marcellis, Ex. Martin, Ex. Damen, è ſæculari clero, è Religioſis Familiis *Auguſtiniana* Ex. P. le Drou ob egregias virtutes ingenique dotes ab Innocentio XII. ad inſulas aliasque dignitates Romæ erectus, Eximius Pater Pauwens, Ex. P. Clenaerts, Ex. P. Defrant, Ex. P. Parys, Ex. P. Mellyn, è *Dominicana Familia* Ex. P. Hurnæus, Ex. P. du Jardin, Ex. P. d'Engien, & quotquot ſunt ex eadem Doctores Lovaniienſes probant, ingens animum tuum religio inceſſit, mille ſcrupu-

lis angeris , jurare periculosum est , juramenti comites & adiosè prius attendendi sunt : nunc in re nihili ultrò jusjurandum offers. tanti scilicet est calumniam retorquere. Quid quæso famæ tuæ aut exiftimationis interest dixeris paratum te formulæ subscribere , non dixeris. Quid tuâ intererat ut jurejurando redimere æquum censeret ? Solo silentiò defungi poteras. Constitisset satis tibi fama apud tuos qui simulare , seque Janfenii hostes fingere in loco habent familiare , positura ubi tempus est , larvam. Neque jam quidquam inde jacturæ pateris nisi quod orthodoxi te noverint , quibus tu te ipse prodidisti. Ne igitur de veritate , quæ est una è Comitibus legitimi jurisjurandi solum agam , causæ gravitas sive justitia deficere videtur ; quæ si adesse prudentum judicio censebitur , neque ego detrecto jusjurandum. Sumus igitur in hoc pares , quamquam apud Romanos olim tanta erat Sacerdotum dignitas , ut in causis civilibus , jurare eis lege esset vetitum , sed nuda eorum affirmatione standum Judices censerent.

At qua ratione perjurio te eximeres ? Duplex fortè tibi occurrisse potuit ; altera si hæres in verborum cortice aut apices syllabarum captares , non dixi scilicet *paratus sum* , sed *alienus non sum* , non *abhorreo* , *probo consilium Antistiti* &c. non autem si rem ipsam. Ad hoc quam indignum sit non est opus inculcare ; altera si me mentitum jurares & per *mentiri* intelligeres quod nonnulli solent , vanum esse , vel deceptum decepisse alios ( at hoc esset ludere in ambiguitate verbi , homines frustrari , quod nulla non de causa vobis publicè disputantibus & in lycæo grande nefas est , nescio , an etiam in foro , Deus scit ) ita lubens fateor mentitum esse me , idque non detrecto si Montaltianâ tubâ per Belgii & Galliæ Angulos omnes publicari jubeas *cum te laudabam tum sum mentium* &c.

Captus scilicet vultu verbisque tuis induci me sivi tuque triumphabas interim & tacitus fortè dicebas : habet , captus est : atque idcirco aiebas me non esse è vaftris illis & politicis Jesuitis , sed hominem peccatore atque animo rotundo talemque audire apud Academicos : verum nescio an non frustrâ tum gloriatus sis : nam dictis tuis non omnem tunc habui fidem , nisi accessisset testimonium Primarii ex Academia Lovaniensi Viri & multis inelyti clientelis qui te bonarum partium Studiosum esse affirmabat , numquam fuisset adedò constanter in tuas laudes effusus. Vir autem ille est ex ardentissimis formulæ propugnatoribus , & ille hac in parte Vanus Vanum me fecit ; cæterum novæ sectæ indoles mihi erat satis perspecta. Videram Theologiæ candidatus sat multos , qui domum nostram velut Nicodemi frequentabant , bonæ se causæ Studiosos omnibus probabant modis per se perque amicos prensabant , qui ubi Jesuitarum commendatione eò quo collimabant dignitatis evecti erant , nec amplioris spes affulgeret , virus animo latens prodidère , Jesuitasque non aliâ gratiarum actione , quàm scommatis , injuriolisque nomi-

mi-

minibus dignati sunt : Molliores alii limen nostrum ; ac si domus esset peste tacta exin non tetigere. Atque hic istorum hominum genius Jesuitis omnibus satis est notus , aded ut vassitie aut politicæ opus non sit ad detegendum. At quoniam de Jesuitarum politicâ hic sermo , qualis ea sit , juvat exponere. Non aliam colunt Jesuitæ politicam , quàm quæ est Jesu CHRISTI & Apostolorum & si quæ sit veterum Philosophorum illi conformis , quàm quæ est ars continendi in officio homines , cui studio multum nos deditos ultrò fatemur , nihil non juxta æqui Sanctique rationem exequens , illum verò profanam , cui sus deque sunt omnia æquum & iniquum , Terra & Cælum , Religionum omnium legumque contemptrix odio acerrimo prosequimur , scriptisque libris convellimus , & , quantum in nobis est , hominum animis eiicimus . Aded Societas nostra inter suos ingenia ejusmodi non tolerat , ut ne quidem ferat inter alienos.

Videndum jam utri plus fidei in hoc negotio debeatur , tibi ne an mihi , tibi cui quamvis Clerico vestis adhuc dicitur esse duplex animusque duplex esse potest , paratus seu divitem uxorem ducere seu pingue Sacerdotium ; an mihi Religioso & Sacerdoti Tibine de mendacio & calumniâ non unâ convicto , an mihi qui convictus hætenus non sum neque convinci possum ? Convictum autem esse te ipsa tua scriptio plus satis prodit . Quod enim miserabilius effugium , aut pallium calumniæ esse potest quàm quod in causa Caubergensis Abbatis Legulejus quidam tibi suffecit . Non decepit Abbatem P. Bolck per se , sed per juvenem Religiosum , verum per me licet sit huic effugio locus , non ided minus calumniator es ; nam undè , vel quâ ratione probas P. Bolck dolo malo usum , nequiterque versatum quando injectos vestris argutiis & sophismatis Religioso juveni scrupulos exemit , an non potuit id solidis agere verisque rationibus cum id tot libri quotidie præstent ? certè verissimum est ipsum in persuadendo potentissimum ac subtilissimum in ratiocinando dolo malo non indignuisse . At , inquires , Pastor meus testatur , exclamasse non itâ multò post Abbatem : *deceptus sum , deceptus sum* : verum testetur Pastor tuus , non repugno ; facile potest quis deceptum se credere qui deceptus non est , neque semper dolosè ac nequiter decipiuntur qui decipiuntur : emerit quis gemmarum & pretiosorum lapidum imperitus a mercatore bonæ fidei lapidem pretiosum , audiat alium postea qui se peritum jactat , contententem non esse nisi vitrum , facile exclamabit deceptum esse se , licet reipsâ deceptus non sit . Non operosum fuerit alicui è sophistis vestris , seni optimo , cui longo amicitie usu copulor , argutiis suis & vanis subtilitatibus quarum ætas grandis ipsum jam immemorem reddidit , voces ejusmodi extorquere , quas rectius edoctus haud difficulter retractabit ut confido , at ego in ejus verbis veritatem

veritatem suspicio, qualis erat in verbis Caiphæ cum diceret : expedit ut homo unus&c. verè deceptus erat bonus Abbas non à P. Bolck aut Religioso juvene, sed à perfido sophista. Vides itaque hic adhuc teneri te calumniæ manifestè reum.

Quod de Amplissimo Grimbergensi Abbate diceres nihil habuisti, unde nullibi magis in tuo scripto apparet hominis cum veritate luctantis imago. Negas scilicet ejus meminisse te : nosti testes sexcentos adduci posse, qui præcipuam de Abbate hoc contentionem fuisse affirmant protestante sapius P. Bolck *non nosse se utrum esset albus an ater homo* ; id est, numquam cum à se quod sciret visum, unde & mox petiit ab illo testimonium atque oblatum quo jugularis, licet ipse prior eum accesseris, atque in partes tuas trahere conatus sis. Verùm, inquis, nominaverim eum, certè mens mea nominare non fuit. Præclarum velum quo mendacium & calumniam quamlibet tegas, dixi id quidem sed non erat mea mens. Ita multa dixisti mihi, sed non erat tua mens, ideo fortè unum è dictis securè negas. Sed hoc ipsum turpissimum est quod mens tua verbis non respondeat, hoc ipsum enim est quod mentiri dicimus. Jam tot alii qui scriptum tuum integrum lustrarunt, & spectaculo interfuerunt, tot illud turgere mendaciis aiunt ; ut si calculator Sciopius quidam accederet tot ex eo mendacia subduceret numerando, quot ille in Scaligero Hypobolimæo ex una ejus de gentis suæ nobilitate ad Ianum Douzam epistola confecit nempe plus quam quingenta, inter quæ nonnulla dicuntur esse qualia Poëta describit.

*Vt cum immensa cavi spirant mendacia folles.*

Adèd ut injuriam tibi facere haud videatur qui te splendide mendacem, non splendidum mendacem, ut tu barbarè, nuncupet. Est & alia ratio quæ lucem liti nostræ adferre possit, nempe illa Castianæ *cui bono*, cui bono nempe veritatem ego prostituissem? an quia adèd te deperibam, tuisque amoribus eram fasciatus, ut sus deque haberem verum falsumvè dicere, Collegis meis ac Patri Bolck imponere? Posteris id persuaseris. An ut autoritate tua & nomine usus plures panico timore territos à jurejurando metu avocarem? Si Atlas aliquis Academiæ Lovaniensis fuisses, si paradoxa quædam te nobilitassent, quemadmodum Ex. Gummarum Huygens, & magna Orbis parte fecissent famosum, si Legatum te Romampars Facultatis legasset ut Ex. Hennebel, si concertationibus adversus Jesuitas inclaruisses? ut Ex. de Swaen speciem aliquam haberet hæc exceptio. At quid potuit obscurum Laderfousii nomen? illo, inquires, usus est P. Bolck ad spectandum Abbatem Diligemensem, ne quæso adèd tibi blandiare mi Franciscæ, tantus non es apud Amplissimum, ut major non sit Pater Bolck, qui conscientiam ejus moderatus est, & moderatur post tuas publicas invectivas : an Ampl. uteretur ejusmodi animæ directio-



re , quem calumniatorem privatis in congressibus testatur. Crediderim verius esse sapientissimo Viro te suspectum fuisse , atque illam opinionem Patrem Bolck à me edoctum , aut potius à deluso delusum tollere voluisse. Nolo ego hoc loco suspectare unicum testem tuum , eumque domesticum ; id namque decens haud existimo , nisi causa major accesserit. Unum miror , te à nemine Abbatum testimoniolum aliquod obtinere potuisse , cum P. Bolck tantum non ultro & prolixè scripto dederint. A Diligenti autem nullum requisivit , cum judicaret id non facere ad causam. At ego , inquires , cui bono mentirer. Hoc nempe bono , veritati tu jam potes parcere , ut materiam triumphi inanis habeas , & calumnias in speciem retorquendi.

Supereſt ut pro veteri in te affectu monita quædam salutaria tibi suggeram quibus vitare contentiones similes post hac possis cautiorque evadas.

Nolito posthac eos adhibere Consiliarios , quos in hac causa adhibuisti , qui cymbulam tuam non in portum , sed in scopulum direxerunt læti quod te hac ratione factioni suæ sic adjungerent , ut divelli ab ea dein vix posses. Emulati sunt Brutum Tarquiniorum apud Romanos expulsores qui ut odium plebis in Regem redderet irreconciliabile , Regi prædâ populum pavit , ut conscius flagitiis & pœnæ metuens tyrannum procul arcerent. Ita illi de re fortunæque tuæ parum solliciti ad bellum orthodoxis formulæ patronis te perpetuum impulerunt , apud quos nisi multis rectè factis , & longo usu te probes , mutatumque præstes semper futurus sis suspectus.

Si quando consilii eges , ut ferè semper eget juvenis , si me audis adito Principem hujus Academiæ Virum Ampl. Steyartium , cujus acre judicium , perspicax ingenium , optimus quisque probat , adito contubernalem ejus Ex. Damen aut Erud. & R. Adm. Dominum Plebaum amicum , ut mihi dicebas , tuum. Viri hi pro sua singulari moderatione juveniles tuos impetus faciliè compescunt , ab his portus sperandus est.

Si salutem tuam amas , bullis pareto Pontificiis & Janſenio valedicito , cujus lapsus ignorare non permitteris , adeoque sine pertinacia tueri non potes quod est flagitium omnium pœnè maximum. Amorem Academiæ Almæ Matris tuæ in eo collocato , ut erroris & novitatis umbram ab ea procul arceas , aut ab aliis arceri cupias.

Fortunam præsentem ferè discito.

Illam consortia diligenter vitato , in quibus Religiosas familias intemperantes linguæ maledictis ferè semper incessunt , & unius è grege lapsum toti cætui malitiosè tribuunt.

Pietatis exercitia quæ puer frequentabas , ut pensum Rosarii , gestamen Scapularis , Angeli Custodis cultum &c. & Virginis Matris ne inter-

termittito ; fieri enim solet ut qui hæc provectiores negligunt , inci-  
dant in Religionis universæ contemptum.

Legito quotidie librum aliquem de urbanitate & bonis moribus rectæ-  
que adolescentum institutione ut tibi tuisque profis.

Memento majoribus natu semper assurgere , virtutem ac nobilitatem  
vereri , institutoribus qui Parentum loco habendi sunt deferre , ut &  
tui tibi olim deferant discipuli ; quod si fecisses , non ad eò inclementer  
& inverecundè excepisses Ex. Patrem Clenaerts , cui cum defectus na-  
turales exprobras , ostendis te humanitatis omnis immemorem , & tan-  
tum non velut intestabilem proscriptisses quod Rectorem Magnificum  
cæterosque Sapientissimos hujus Nobilissimæ Academiæ custodes pro-  
prudencia & æquitate impunitum non passuros existimo , ne vis pessi-  
mi exempli perniciem trahat veniens in ævum. Usque adeone seclæ  
amor ingenia hominum offerat !

Scientiam, quæ superbos reddit, humilitatis & modestiæ exercitiis oc-  
cupato.

Numquam publicè loquitor nisi meditatus , & scientiæ tuæ limites  
non excedito.

Aliqua ex postremis his monitis non adjecissem , nisi viderem te quæ  
puer avidè hauseras inter Academicos tumultus oblitum. Vale. mi Fran-  
cisce meque ama. neque hæc mea monita in sinistram partem accipe sed  
eo quo profecta sunt animo, id est felicitatis tuæ studio.

Hæc è lectulo dictabam 24. Julii , cum febris immineret quæ solito  
humanior tantisper retardari visa est , & tempus mihi largiri ad Episto-  
lam hanc absolvendam.

*Dilectissime Domine*

*Studioissimus tui*

*J. V. O.*

